

IMAQARNILIAQ MAA - Meeqqanut Atuarfeqarnermullu Ataatsimiititaq 12-10-2022

Ulloq ataatsimiiffissaq Onsdag 12. oktober 2022 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Meeqquvinnut utaqquisut allattorsimaffii pillugit ilisimatitsissut.....	6
Atuareernerup kingorna neqeroorut Aqqalummi atuisartut amerlassusaannik allanngueq.....	10
Lukket.....	13
Oqaluuserisassanut tapiliusseq: 2023-mi politikkikkut ataatsimiiffissat.....	14
Oqaluuserisassanut tapiliusseq: Sulisut amerlassusissaasa ikinnerpaaffissat eqqarsaatigalugit meeq	16
Isumaginninnermut Aqutsisoqarfimmiit Initiativ 3 pillugu saqqummiineq.....	21
Lukket.....	22
Taasariaqartut allat.....	23
Imaqarniliap akuerineqarnera.....	24

IMMIKKOORTOQ .: Saqqaa

Beslutning

Ataatsimeeqataasut:

Juaaka Lyberth (IA), *Siulittaasoq*

Poul Petersen (D), *Siulittaasup tullia*

Mia Skifte Lynge (IA)

Finn Karlsen (N)

Teams-ikkut peqataasoq:

Dorthe-Marie Mogensen-Fontain (S)

IMMIKKOORTOQ .: Oqaluuserisassat akuerineqarneri

Beslutning

Oqaluuserisassat akuersissutigineqarput, imatut oqaaseqaatitalerlugu:

Immikkoortut matoqqasut siulliullugit suliarineqassapput.

IMMIKKOORTOQ .: Nalunaarutit

Beslutning

Siulittaasumiit nalunaarutit:

ASK-ilu USK-ilu kattullutik suleqatigiinneranni sulisut akornanni sulineq pilersaarutit malillugit ingerlavoq. Sulisut naapittarnerat akulikippoq, tassani isumassarsiorluni saqqummiineq, oqallinneq kiisalu suleqatigiilluarnissaq anguniarlugu eqqartueqatigiittoqartarluni.

Ataatsimiitami siulittaasutut ilinniartitsisut ulluanni ilinniartitsisut tamarmik pilluaqquneqarput.

IMMIKKOORTOQ 1: Meeqgerivinnut utaqqisut allattorsimaffii pillugit ilisimatitsissut

Beslutning

Ilisimatitsissut tusaatissatut tiguneqarpoq.

Meeqquerivinnut utaqqisut allattorsimaffii pillugit ilisimatitsissut

Ilisimatitsissut

SagsID: EMN-2022-07809

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 8, imm. 3 naapertorlugu qinnuteqartut tamarmik kommunimi meeqqerivinni aamma angerlarsimaffimmi paarsisartuni inissaqanngippata kommunalbestyrelse utaqqisut allattorsimaffiannik pilersitsinissaq pisussaaffigaa.

Kommunimi utaqqisut allattorsimaffiisa kvartalit pingajuanni 2022-imi septembarip 6-ianni killiffiat tassaavoq, kommune tamakkerlugu meeqqerivinnut, angerlarsimaffimmi paarsisartunut aammalu atuartut sunngiffimmi ornittagaannut (AKO/FRO/SPO) meeqqat 216-it utaqqisuutigineqartut. Meeqqat 216-it utaqqisuutigineqartunit 183-it Nuummi utaqqisut allattorsimaffianniippat, tassalu kommune tamakkerlugu utaqqisut 84%-iisa amerlaqataat.

Takussutissaq 1: Septembarip 6-ianni 2022-mi utaqqisut allattorsimaffii imatut isikkoqarput

Sumiiffik	Meeraaqqeriviit	Meeqqeriviit	AK O	FR O	Atuarfinni paaqqinniffiit	Angerlarsimaffimmi paaqqinnittoqarneq/ Nunaqarfinni neqeroorutit	Angerlarsimaffinni meeqqanik paarsisartut	Katillugit
Nuuk	120	25	18	19			1	183
Paamiut	0	0			0			0
Tasiilaq	9	1			4			14
Ittoqqortoormiit	2	0			0			2
Kapisillit					0	0		0
Qeqertarsuatsiaat					0	1		1
Arsuk						0		0
Kulusuk						6		6
Tiilerilaaq						3		3
Kuummiit						2		2
Sermiligaaq						1		1
Isertoq						4		4
Katillugit	131	26	18	19	4	17	1	216

Boksip qasertup neqeroorutip sumiiffimmi pineqartumi neqeroorutaannginnera takutipaa.

Nuummi utaqqisut allattorsimaffianni meeqqanit 183-init 120-t meeraaqqerivimmuut utaqqisuupput. Siornamut sanilliullugu meeqqat Nuummi meeraaqqerivimmuut utaqqisut allattorsimaffianniittut



ikileriaateqarsimapput, siorna kvartalit pingajuani kisitsisini meeqqat 165-ipput. Meeqqat meeraaqqerivimmu utaqqsut allattorsimaffianniittut ikileriaateqarnerat nutaamik februaarimi 2022-mi ukioqatigiinngitsunut meeqqeriviup Maligiap ammarneqarneranik nassuiarneqarsinnaavoq ammaanermi meeraaqqat katillugit 60 meeraaqqerivimmiissinnaammata.

Meeraaqqerivinnut utaqqsut tamaasa eqqarsaatigalugit utaqqsut allattorsimaffiinnut tunngatillugu, ingerlatsiviup siullermik erseqqissaatigissavaa, utaqqsut allattorsimaffiini allatsissimasut amerlassusaat ukiumiit ukiumut aammalu ukiup qanoq ilineraniit ukiup qanoq ilineranut allangorarsinnaasarmata. Ataatsimut isigalugu, Nuummi utaqqsut allattorsimaffii septembarimiit meeqqat atualinnginnerminni AKO-nut nuukkiartornerat ilanngullugu ukiup tulliani amerlanerusarput.

Tamatuma saniatigut Meeqqanut Atuarfeqarnermullu Ingerlatsiviup pissutsit assigiinngitsut, Nuummi pingaartumik meeraaqqerivinnut utaqqsunut allattorsimaffiup sooq taamatut isikkoqarnera pillugu, nassuiaataasinnaasut taasinnaavai. Tamanna ilaatigut innuttaasut illoqarfinniit, nunaqarfinniit kommuniniit imaluunniit nunanit allaniit Nuummut nuuttarnerannik kiisalu ilinniareerlutik Nuummut uteqqittarnerannik pissuteqarsinnaavoq. Tamatumunnga aamma innuttaasut amerliartornerat utaqqsut allattorsimaffiannik annertusaaqataavoq. Utaqqisut allattorsimaffii pillugit aamma alla pissutaasoq tassaavoq utaqqsut allattorsimaffii amerlavallaartunik utaqqsuuteqarnerannik arlalitsigut ajornartorsiuteqalersinnaanerat. Taamatut pisoqartarpoq assersuutigalugu meeraaqqerivimmi meeraq meeqqalluunniit meeqqerivimmu nuunnissaminnut piareerneranni kisiannili meeqqerivimmi meeraaqqerivimmu akiliunneqarluni inissanik peqanngikkaangat. Assersuutigalugu meeqqat meeraaqqerivimmiittut meeqqerivimmi inissaqalernissaasa tungaanut meeraaqqerivinnut utaqqsut allattorsimaffinneereersut inissaannik tigusillutik.

Meeqqanut Atuarfeqarnermullu Ingerlatsiviup utaqqsut allattorsimaffii qaammatikkaartumik malinnaaffigisarpai, utaqqsullu allattorsimaffiini allatsissimasut ikilisartuarnissaat ataavartumik sulissutigisarlugu, pingaartumik Nuummi meeraaqqerivinni inissanut ulluunerani neqeroorutinu tunngasortaa. Tassungu ilanngullugu aamma Nuummi utaqqsunut allattorsimaffimmiittut ikileriaateqarnissaat Ingerlatsiviup naatsorsuutigivaa, Nuummi atuarfissap nutaap eqqaani ulluunerani paaqqinnittarfissaq nutaq ammarneqarneratigut. Ulluunerani paaqqinnittarfik taanna nutaq ataatsimut isigalugu meeraaqqanut 36-nut meeqqanullu 60-inut inissalittut naatsorsuussaavoq.

Utaqqisut allattorsimaffianni amerlanerpaat tullianiippu meeqqerivinnut utaqqsuutigineqartut, taakkununga kommune tamakkerlugu 26-t utaqqsuutigineqarmata. Nuup avataatigut kommunimi meeqqat utaqqsuutigineqartut killeqarput, taamaakkaluartoq meeqqat Tasiilami paaqqinnittarfinnut assigiinngitsunut utaqqsuutigineqartut 14-iupput.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmu Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviumik uppersaattallit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq



Ilanngussat
Soqanngilaq.

IMMIKKOORTOQ 2: Atuareernerup kingorna neqeroorut Aqqalummi atuisartut amerlassusaannik allanngueq

Beslutning

Inassuteqaat akuersissutigineqarpoq.



Atuareernerup kingorna neqeroorut Aqqalummi atuisartut amerlassusaannik allanngineq

Aalajangiiffigisassaq

SagsID.: EMN-2022-07973

Meeqqanut atuarseqarnermullu Ingerlatsivik - pisortaq Lone Nukaaraq Møller / LNM

Inassuteqaat

Meeqqanut Atuarseqarnermullu Ingerlatsiviup Meeqqanut Atuarseqarnermullu Ataatsimiititamat inassuteqaatigaa:

- aalajangiussassaq atuareernerup kingorna neqeroorummi Aqqalummi atuisunut inissat 70-
iniit 40-nut appartinneqarnissaata akuerineqarnissaa
- suliaq Aningaasaqarnermut Inuusutissarsiornermullu Ataatsimiititamat kiisalu
Kommunalbestyrelsimut akuerisassatut ingerlateqqinneqassasoq

Suliassamik saqqummiussineq

2022-mi Sermersuumi missingersuusiornermi isumaqatigiisummi suleqatigiinissamullu isumaqatigiisummi kissaatigineqarpoq meeqqanut innarluutilinnut 18-it inorlugit ukiulinnut ornittakkanik pilersitsisoqassasoq.

Meeqqanut Atuarseqarnermullu Ingerlatsivimmi 1. august 2022 tungaanut taamak ittumik ingerlatsinikuupput Pakkummik taaguutilimmik meeqqanut autismeqartunut ADHD-millu ersinngitsumik innarluutilinnut naleqqussakkamik. Neqeroorut meeqqanut arfineq pingasunut inissalittut naleqqussagaasoq, illutamigut ulluklut neqeroorutip Umiaq illutaata ilassutaani inissisimasumik. Meeqqani taakkunani atuisut arfinillit Nuussuup Atuarfiani atuartuupput, sinneruttullu marluk atuarfinni allani atuartuullutik.

Nuussuarmi Ulloq naallugu atuarfik (Heldagsskolen) siunertaatut atuarfittut immikkut periuseqarluni atuarfittut atuutsileqqinnerani atuartut periarfissaqalersimapput ulloq naallugu atuarfimmini atuarneq atuareernerullu kingorna ornittagaq allamukaqqaanngikkaluarlutik ingerlassinnaalerlugu, piffimmiit piffimmut allamut nuuttaaratik nikeranngitsumik ornittakkamiilerlutik. Taamaalillutik meeqqat sinaakkutinik aalajangersimasunik pisariaqartitsisut ataavarnernik, toqqissisimaffimmini sinaakkuteqarlutik ulloq ingerlassinnaanngorlugu.

Atuarseqarnermut immikkoortortaqarfiup 1. august aallarnerfigalugu meeqqat marluk Pakkumi sinneruttut fritidshjem Aqqalummut inississimavaat. Allanngortitsinermit aallaaviuvoq meeqqanut taamannak innarluutilinnut meeqqerivimmut atanera naleqqutinngitsoq, meeqqerivimmit nipiliornerit kiisalu Pakkummit unamminartoqartillugu qisuariarnerit meeqqanut mikisunut toqqissisimannginnermik pilersitsisarmata.

Meeqqanut Atuarseqarnermullu Ingerlatsivimmit kissaatigineqarpoq kommunip meeqqaanut immikkut pisariaqartitsisunut atuareernerup kingorna ornittagaqalernissaa Aqqaluup ilaani. Taamaaliornerup kinguneraa immikkoortortap ilaata matusariaqarnera meeqqat immikkut pisariaqartitsisut inissaqartinniarlugit. Meeqqanut immikkut pisariaqartitsisunut inissaq ataaseq meeqqanut marlunnik naleqartarmat. Kiisalu meeqqat ataasiakkaat tamarmik immikkut ikiorteqartinneqartarmata immikkut inigissaminni neqeroorutiginiaakkatsinni.

Ataatsimut pisariaqartitaq tassaavoq ornittakkatut neqeroorutip Aqqalummi atuisut amerlassusaasa 70-niit 40-nut appartinnissaat, tassa 30-nik apparlugit. Immikkoortortassaq meeqqanut arfineq



pingasunut inissaqassaaq 6-linniit 14-nut ukiulinnut, taamalu massakkumut Pakkummut Nuussuarmiikkallarmat inissinneqarnissaminnut utaqqisut isertinneqarsinnaalissallutik. Aqqalummi atuisut taamaalillutik 48-nut inissaqalissapput.

Aqqalummi atuisartut ikilagaluartut sulisunik ikilisaanermik kinguneqartinneqassanngilaq, sulisut ilaat Pakkummi sulisutut ikkunneqassagamik.

Meeqqanut Atuarfeqarnermullu Ingerlatsiviup nalilerpaa neqeroorutip Aqqaluup atuisuunik appaanerup kingunerisaanik piffissaq ilaani atuarfiusup nutaap aallartinnerani inissanik amigaateqalertussaaneq, Aqqalummi atuisartut nalunaarsuutaani takuneqarsinnaammat atuarfiusup aallartinnerani qaammatini siullerni atuisut amerlariarlutik ikiliartulertortartut. Atuarfiusup ingerlanerani ikiliartuaarusaartuurtarput.

Ilisimatitsissutitut ilanngussinnaavarput 1. august 2022 meeqqat 50-it Aqqalummi atuisutut allaqqammata. Septembarilli 21-ani atuisut 37-iinnanngoreersimallutik, massakkut apparfissatut killigittitassaq ataallugu Ingerlatsiviup appaanissamut innersuussutaatut. Atuarfiusup nutaap aallartinnerani neqeroorutitut ornittagaq Inneruulat inissaqartuurtarpoq Aqqalummi inissaaruttoqassagaluarpat. Augustip aallaqqaataani Innerulat ataatsimik inissaateqarput, septembarillu 21-ani 13-nik inissaateqarluni.

Meeqqanut Atuarfeqarnermullu Ingerlatsivimmit nuussinerup kingorna Umiامت ilassut Pakkummut atorsimasarput siunissami meeqqerivimmi inissanik amerlisaatitut atorneqalersinnaassasoq.

Ingerlatsivimmit aningaasatigut sulisoqarnikkullu naliliinerit
Soqanngilaq.

Suliffeqarfimmut Kiffartuussivimmit aningaasatigut naliliineq
Soqanngilaq.

Inatsisitigut tunngavissaq allakkallu tunngaviusumik uppersaataatallit

- Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr.5, 6. Juni 2016-imeersoq
- Inuit innarluutillit tapersorsorneqarnissaannut Inatsisartut inatsisaat nr.13, 12. Juni 2019-imeersoq
- Meeqqat tapersorsorneqarnissaannut Inatsisartut inatsisaat nr.20, 26. Juni 2017-imeersoq

Ilanngussat
Soqanngilaq.

IMMIKKOORTOQ 3: Lukket

IMMIKKOORTOQ 4: Oqaluuserisassanut tapiliusseq: 2023-mi politikkikkut ataatsimiiffissat

Beslutning

Inassuteqaat akuersissutigineqarpoq.

Ilanngussat

2023-mi politikkikkut ataatsimiiffissatut siunnersuutit

2023-mi politikikkut ataatsimiiffissat

Aalajangiiffigisassaq

SagsID: EMN-2022-08329

Suliffeqarfimmut Kiffartuussivik – kommunaldirektøri Ole Jacobsen / OJAK

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamat

inassuteqaatigaa:

- ataatsimiititap 2023-mi ataatsimiiffissai akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

Meeqqanut Atuarfeqarnermullu Ataatsimiititap suleriaasissaani §3-mi aamma allassimasoqarpoq "ataatsimiititap ataatsimiinnissani nammineq aalajangersartassavai."

Meeqqanut Atuarfeqarnermullu Ataatsimiititap pingasunnngornikkut nal. 14.00. ataatsimiittarnissaa siunnersuutigineqarpoq. 2023-mi ileqquusumik ataatsimiinnerit arfineq pingasut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniliallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2023-mi politikikkut ataatsimiiffissat Naalackersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqannngilaq, Suliffeqarfimnulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

Inatsisitigut tunngavissaq allakkallu tunngaviusumik uppersaaitallit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. 2023-mi politikikkut ataatsimiiffissatut siunnersuutit

IMMIKKOORTOQ 5: Oqaluuserisassanut tapiliusseq: Sulisut amerlassusissaasa ikinnerpaaffissaat eqqarsaatigalugit meeqqeriveqarfimmi sulisut pillugit takussutissaq

Beslutning

Ilisimatitsissut tusaatissatut tiguneqarpoq.

Ilanngussat

Kommuneqarfik Sermersuumi ulluunerani neqeroorutini sulisut amerlassusissaat najoqqutaralugu sulisunik takussutissiaq 4. kvartali 2021 - 3. kvartali 2022

Sulisut amerlassusissaasa ikinnerpaaffissaat eqqarsaatigalugit meeqqeriveqarfimmi sulisut pillugit takussutissaq

Ilisimatitsissut

SagsID.: EMN-2022-08210

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqeriveqarfimmi sulisut piukkunnaatillit ilinniarsimasullu atorfinitsinneqarnissaat sulisoriinnarnissaallu Kommuneqarfik Sermersuumit annertuumik suliniutigineqarpoq. Piumasaqaat taanna immikkut pingaaruteqarpoq pissutigalugu piffissami sivisuumi imaannikummat sulilu taamaalluni, suliassaqarfimmut ilinniarsimasunik soorluttaa q suliamik ilinniagaqarsimanngitsunik sulisussarsinissaq unammillernartuulluni. Kommuneqarfik Sermersuumi illoqarfinni nunaqarfinnilu, aammali nuna tamakkerlugu.

Taamaammat killiffik Meeqqanut Atuarfeqarnermullu Ingerlatsivimmit malinnaaffigeqqissaarneqarpoq ulluuneranilu paaqqinnittarfik pillugu inatsimmi sulisut amerlassusissaasa ikinnerpaaffissaat eqqarsaatigalugit kommunip meeqqeriviini sulisut amerlassusaat ataavartumik naatsorsorneqartarlutik. Taamaaliortoqartarporlu atorfinitsitsisarnermut sulisoriinnarnissaannullu suliniutit iluatsiffeqarnerisut takuniarlugit.

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersumi § 20 naapertorlugu ikinnerpaamik meeqqerivimmi perorsaasoq ataaseq, perorsaanermik ilinniarsimasoq ataaseq aamma ikiorti ataaseq sulisorineqassapput. Perorsaasut ilinniarsimasut tassaasinnaapput isumaginninnermi ikiorti, meeqqanut ikiortit, socialmedhjælperit imaluunniit isumaginninnermi peqqissutsimiluunniit ikiortit. Ikiortit amerlasuutigit ilinniarsimasuunngillat. Suliffimmik misiliisut, taartaasut aamma tapersersortit meeqqerivimmilu aqutsisut kiisalu eqqiaasut ilaaffimmiullu inini sulisut amerlassusissaannut ilaatinneqanngillat.

2021-p qiteqqunneraniit qaammatit pingasut iluini ingerlatsivimmiit ataasiaannarluni naatsorsorneqartarpoq 2022-mili kvartalit sisamaanniit qaammatikkaartumik naatsorsuineq ingerlanneqartalissalluni. Tamatuma saniatigit oqaatigineqassaaq meeqqeriviup nutaap atuutilernerata kinguneranik kvartalini kingullerni sisamani atorfiit amerlassusaat allanngorsimasut. 2022-mi kvartalit pingajuanni naatsorsuineq kingulleq suliarineqarpoq, tamannalu aggustip qaammataani pivoq. Meeqqerivinni ataasiakkaani sulisunik amigaateqarneq qanoq innersoq qaammammi naatsorsuinissami tulliuuttumi misissuiffigineqassaaq. Matumani ilaatigit meeqqeriviit ilaat atorfinitsitsiniarnikkut ajornartorsiuteqangaatsiarnersut paasiniarlugu.

2021-mi kvartalit pingajuanni meeqqeriveqarfimmi sulisut amerlassusaasa takussutissartaat
2021-mi kvartalit sisamaanniit 2022-mi kvartalit pingajuata tungaanut kommunip meeqqeriviini sulisut amerlassusaat aamma sulisut amerlassusissaasa ikinnerpaaffiisa takussutissartaat tabeli 1-imi takuneqarsinnaapput. Suleqatigiiaat pingasut amerlassusaat taakkulu amerlassusissaannit ikinnerpaaffissaasa akornanni tabelikkut oqimaaqatigiisinneqarnerat takuneqarsinnaavoq. Atorfeqartut sulisullu amerlassusissaannit ikinnerpaaffiit akornanni oqimaaqatigiittoqanngippat

suleqatigiiaat akornanni atorfeqarsimassaaq naatsorsuinerup nalaani inuttaqarsimanngitsunik. Tabelimi oqimaaqatigiisitsinerup nalaani allaqqavoq naatsorsuinerup nalaani atorfiit qanoq amerlatigisut inuttaqarnersut procentinngorlugit.

Atorfiit inuttaqanngitsut tassaakkajuttarput, naatsorsuinerup nalaani inuttassarsiorneqaleqqammisut imaluunniit piffissami sivilisunerusumi inuttassarsiuunneqartut. Taamaattumik atorfiit qanoq sivilisutigisumik inuttaqarsimanngitsoq takussutissiamit tassanngaanniit takuneqarsinnaanngilaq. Takussutissiap atuarnerni atorfiit inuttaqannginneri atorfiit pineqartut inuttaqannginnerinut, imaluunniit taakkunani atorfeqartoqannginneranut takussutissaanngitsoq maluginiaqquneqarpoq. Taamaattumik takussutissiap atorfinni, sulisut amerlassusissaasa ikinnerpaaffissaattut inatsimmut naapertuuttumut eqquutsitsinissamut atatillugu sulisunik ilinniakkatigut tunuliaqutilinnik amigaateqartoqartoq takutippaa. Tamanna tunngavigalugu ulluunerani paaqqinnittarfinni ataasiakkaani taartaasartumik, perorsaasutut ilinniarsimanngitsumik perorsaasutut atorfinitsitsisoqartarsimasinnaavoq. Naak taamatut ingerlatsineq naleqquttuunngikkaluarluni, ulluunerani paaqqinnittarfinni ataasiakkaani aqutsisunut pisariaqarsinnaavoq. Tamanna annermik piffissami sivilisunerusumi atorfiup ataatsip arlallilluunniit inuttalernissaat ajornakusoorsimappat, kiisalu atorfiup sulisumik, eqqortunik suliatigut piginnaasalimmik inuttalernerneqarnissaata tungaanut pigajuttarpoq.

Perorsaasutut atorfiit sulisoqatigiinni inuttaqannginnerisaapput. 2022-mi kvartalit pingajuanni assersuutigalugu perorsaasutut atorfiit 105-init 59-it tassa 56%-it inuttaqarsimapput. Naak sulisut perorsaasutut ilinniarsimasut amerlassusaat naatsorsuinerup kingullerni marlunni allanngorsimanngikkaluartut gruppinilu pingasuni taakkunani inuttalerneruminaarsaagaluartoq.

Meeqqanut Atuarfeqarnermullu Ingerlatsiviup naatsorsuinerup ilassutigalugu, sulisussarsiornermi ajornartorsiummik aaqqiinarnermi, sakkussanik atorfeqarsinnaagaluartunik, kommunilli toqqaannartumik sunniuteqarfigisinnaanngisaanik peqarsinnaasartoq naqissuserusuppa. Tamanna ilaatigut ulluunerani paaqqinnittarfinni akissarsianut, perorsaanermik ilinniarfimmil ilinniarlut ilinniarnissaminut akuerineqartartut amerlassusaannut, imaluunniit ilinniarnermik attassisut naammassinnittartulluunniit procentiinut tunngasinnaavoq.

Sulilersitsinissamik sulisunillu attassinissamik annertusaanissamut suliniutit

Ulluunerani paaqqinniffinni sulisunik sulilersitsiniarneq attassinierlu Meeqqanut Atuarfeqarnermullu Ingerlatsivimmit assut pingaartinneqartumik suliniuteqarfiuvoq. Tulliuttumi Ingerlatsiviup, ulluunerani paaqqinniffinni sulisunik sulilersitsiniarnermik attassiniermillu annertusaaniarluni suliniutaasa ilaannit tigulaarisooqarlunilu naatsumik nassuiaasoqassaaq. Taamaattumik ulluunerani paaqqinniffinnut immikkoortumut pilersaarutissaq, 2022-p naalernerani politikikkut suliarineqartussa, suliaasaqarfimmi suliniutinik ineriartortitsiniarlunilu suliniutinik tamanik takussutissiamik imaqaassaaq.

Ulluunerani paaqqinniffinni sulisunut atorfimmu inissanik tunniussisarnermik pingaarnersuineq 2020-mi allaffissornikkut aalajangiineq tunngavigalugu ulluunerani paaqqinniffinni sulisunut atorfimmu inissanik tunniussisarnermi sulisut ilinniarsimasut pingaarnertinneqassapput, soorlu perorsaasut isumaginninnermilu ikiortit. Ingerlatsiviup suliniummik naliliineq tunngavigalugu, suliniut perorsaanermi sulisunik sulilersitsiniarnikkut attassiniernikkullu sunniuteqarsimasooq erseqqissarsinnaavaa.

Saqqumilaarnerneq pitsaanerusemillu paasissutissiineq

Ingerlatsiviup nittarsaassinikkut sulisussarsiorlunilu paasitsiniaanikkut kiisalu suliffiit pillugit nittarsaassinikkut, ilinniakkanik naammassinnittoqarnerani kiisalu internetikkut attaveqatigiittarfisigut peqataanikkut saqquminerulernissaq pingaartippaa. Tamatumuuna aamma ingerlatsivik kommunip nittartagaani ulluunerani paaqqinniffinnut nassuiaammik nutarterivoq.

Taamatuttaaq ulluunerani paaqqinniffinnut atorfinnik inuttaqanngitsunik inuttassarsiuussinerit pitsaanerulernissaat sulissutigineqarpoq.

Sulliffimmi sungiusartut

Ingerlatsiviup Kommuneqarfik Sermersuumi ulluunerani paaqqinniffiit, Ilulissani PI/SPS-imi ilinniartunut suliffimmi misiliffissatut orniginarnerulersinnissaat ingerlaavartumik sulissutigaa. Taamatuttaaq suliffimmik misiliisut pillugit Danmark peqatigalugu suleqatigiinnissamut isumaqatigiissut 2022-mi nutarterneqassaaq, tassanilu isumaqatigiissut qanoq pitsanngorsarneqarsinnaanersoq misissorneqassaaq.

Flyverpædagog

2021-2022-p ingerlanerani kommunimi meeqqerivinni marlunni suliniummik misiliutaasumik flyverpædagogimik aqqissuussinermik ingerlatsisoqarpoq. Flyverpædagogi perorsaasuvoq sulisut amerlassusissaasa saniatigut piffissap ilaannaa atorfilik. Flyverpædagogip atuuffiisa ilaat tassaavoq ilaatigut perorsaanikkut sammisassat ingerlanneqarneranni tapertaanissaq attassinissarlu. Suliniummik misiliutaasumik pitsaasumik naliliisoqarneratigut ingerlatsivik 2022 qiteqquttoq inassuteqarpoq, kommunimi meeqqerivinni flyverpædagogimik aqqissuussinermik pilersitsisoqassasoq.

Najugaq qimannagu ilinniartitaaneq

Kommunip pisariaqartitai aallaavigalugit najugaq qimannagu imaluunniit eqaatsumik ilinniagaqarnissamut periarfissaq atorlugu ilinniakkamik ingerlatsisinnaaneq pillugu ingerlatsiviup PI/SPS oqaloqatigisarpaa. Taamatut iliortoqarpoq sulisut ilinniarsimanngitsut amerlanerusut najugaq qimannagu ilinniagaqarnissaat anguniarlugu. Tamanna aamma kommunip kissaataa pillugu atuuppoq, sulisut ilinniagaqareersimasut, piginnaanngorsarnissaat imaluunniit najugaq qimannagu ilinniaqqinnissaat, suliffimminnut atassuteqarnertik pigiinnarluq.

Ulluuneranilu neqeroorutinik pitsanngorsaanissaq pillugu innuttaasunik peqataatitsineq

Kommuneqarfik Sermersooq 2022-mi septembarimi innuttaasunik peqataatitsinermik aallartitsivoq, kommunimi innuttaasut piuaaffigineqarput kajumissaarneqarlutillu meeqqerivinni suliniutinik kommunip qanoq pitsanngorsaaninaaneranut isummersoqqullugit. Tassani innuttaasut ilaatigut piuaaffigineqarput meeqqerivinni sulisussarsiornermi sulisunillu attassiinnarnissami qanoq iliortoqarsinnaaneranut isummersoqqullugit.

Suliffimmi avatangiisit aamma napparsimalluni sulinngitsoortarneq pillugu suliniut

Paasissutissanik aamma meeqqerivinni sulisut akornanni napparsimalluni sulinngitsoortarnerup takussutissartaanik pilersitsinissaq sulissutigineqarpoq. Taamatut iliortoqarpoq sullivimmi avatangiisit napparsimallunilu sulinngitsoortarnernut atatillugu suliniuteqarnissaq anguniarlugu. Ingerlatsivik ilaatigut ukiaq 2022-mi paaqqinnittarfinni tamani napparsimalluni sulinngitsoortarnerit qanoq kisitsisinngortinneqarnissaannik qulaajaanermik aallartitsissaaq. Tassunga ilanngullugu meeqqerivinni aqutsisut "Napparsimalluni suliarunngitsoortarneq pillugu pitsaasumik oqaloqatigiinneq" pillugu pikkorissarnissaannut qulakkeerinninnissaq sulissutigineqarpoq.

Majoriaq suleqatigalugu piginnaanngorsarneq

Majoriaq suleqatigineqalerpoq suliffissaaleqisut sulileriaannaat misiliummik meeqqerivinni sulisinnaanissaat pillugu.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.



Inatsisitigut tunngavissaq allakkallu tunngaviusumik uppersaatitallit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq

Ilannussat

1. Kommuneqarfik Sermersuumi ulluunerani neqeroorutini sulisut amerlassusissaat najoqqutaralugu sulisunik takussutissiaq 4. kvartali 2021 - 3. kvartali 2022

IMMIKKOORTOQ 6: Isumaginninnermut Aqutsisoqarfimmiit Initiativ 3 pillugu saqqummiineq

IMMIKKOORTOQ 7: Lukket

IMMIKKOORTOQ .: Taasariaqartut allat

IMMIKKOORTOQ .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.47.